



UNIVERSITAS
CRACOVENSIS

16187

Mag. St. Dr.

P

Canonium).

Qnaestio iuridica de
iure immunitatis ecclesiasticae, sive
contributionibus ipsiusmodi.

2505 Prews.

Q V Æ S T I O I V R I D I C A,

D E

Iure Immunitatis Ecclesiasticæ,

S I V E

Contributionibus Spiritualium,

Ex Cap. Aduersus. De Immunitate Ecclesiarum, ext. Iuncta Nouella.

De Statutis & consuetudinibus, contra liber. Eccl. editis.

§ Item nulla, coll. o.

Quam in publicum examen
ritu Solenni

A Perillustri & Admodum Reuerendo Domino,

A D A M O R O S C Z E W I C Z,

I. V. D. & Professore Ecclesiæ Cathedr. Cracou. Canonico

SS. Omn. Archidiacono, & ad S. Nicolaum Præposito,

Vnâ cum Clarissimo ac Admodum Reuerendo Domino,

S T A N I S L A O O S S E D O W S K I,

S. Th. & I. V. D. ac Ordinario Profess. eiusdemque Facultatis Decano,

Protonotario Apostolico, SS. Omnium Custode,

In Doctorem Iuris Vtriusque

*In eadem Ecclesia SS. Omnium Crac. Collegiata
renunciandus.*

M. A L B E R T V S Ł A N C V C K I,

I. V. Licentiatus & Professor, ad Ædes SS. Omnium Cancellarius,

S. Michaelis in Arce Canonicus.

(Superiorum Permissu)

Anno à Christo nato, 1658. Octobr. 29. Hora 8.

exponit.

CRACOVIA, Apud Ioannem Paulum Cezary, Illustriss. Episc. Crac, Typogr.



VObis quoque notum facimus, de
vniuersis Sacerdotibus, & Leuitis,
& Cantoribus, & Ianitoribus, Nathi-
næis, & Ministris domus Dei huius, vt
vectigal, & tributum, & annonas non
habcatis potestatem imponendi super
eos. 1. *Esdrae cap. 7.*

HAbere non potest. Deum Patrem,
qui Ecclesiam non habet Matrem.
D. Cyprianus, de simplicitate Presbyterorum.



V Ecclesiæ, & Ecclesiasticæ personæ, non obstante immunitate Ecclesiastica, quâ à muneribus Ciuilibus iure Diuino, ne dum humano immunes sunt, propter casum insolitum, vt bellum, vel armigeros prouinciâ vastantes, quando sæcularium non sufficiunt facultates, aut spontè contribuere; aut per Principes sæculares ad contribuendum compelli; non consulto prius Papa, nec obtenta ab eodem expressâ licentia, citra incursum pænarum Iure Canonico definitarum possint, nec ne?

CONCLUSIO I.

Immunitas Ecclesiastica, est à muneribus Ciuilibus, quæ personis, rebus, vel locis imponuntur, munitio, seu libertas.

C O R O L L A R I A.

I. Statutum secularium, contra omnes incolas, de muneribus personalibus; patrimonialibus; aut mixtis; Spirituales personas non comprehendit.

II. Nomine populi, non veniunt Ecclesiastici in grauinosis; in fauorabilibus contra.

III. Dux sunt in terris potestates diuersa, Spirituales & Secularis; & harum neutra debet esse alteri ad destructionem, sed ad adificationem.

IV. Inter res Diuinas, publicas, & priuatas discrimen est; ac inter Diuina & humana ministeria.

V. Magnus debetur illi loco honos, qui solenniter est ab Episcopo pro Diuino ministerio deputatus, ac cōsecratus.

VI. Clerici clericaliter viuentes honorandi sunt, non autem angariandi.

VII. Nullus Ecclesiasticus priuilegio suo; aut cap. Si diligenti, ext. de foro compet. aut can. Si quis suadente 17. q. 4. aut c. Odoardus ext. de solut. renūciare potest.

C O N C L V S I O II.

Ecclēsīæ, & Ecclesiasticæ personæ, ab oneribus, & muneribus Ciuilibus, iure Diuino, nedum humano, immunes sunt.

C O R O L L A R I A.

I. *Cassa & irrita sunt, omnium Principum statuta, & consuetudines, contra libertatem Ecclesie; debentque ex volumine eradi statutorum.*

II. *Reus est criminis lesa Maiestatis Diuine, qui in Ecclesia violentiam aliquam, tam sine damno, quam cum damno Ecclesie, perpetrati; tum qui fugientes ad Ecclesiam, sine auctoritate Episcopi, aut Officialis, in casibus non exceptis, ex Ecclesia extrahit.*

III. *Infandum scelus Ecclesiam in habitaculum Sæcularium conuertere, aut incastellare; quid verò subuertere? ni ingruente guerra magna, salus publica aliud urgeat vehemèter.*

IV. *Digna vox Friderico II. Imperatore: Nulla communitas, vel persona publica, aut priuata, collectas, vel exactiones, angarias, vel perangarias; Ecclesiis vel aliis piis locis, aut Ecclesiasticis personis imponere, aut inuadere Ecclesiastica bona præsumat. Quod si fecerit triplum refundat, & nihilominus banno Imperiali subiaceat, quod absq; satisfactione debita nullatenus remittatur. Nouel. de Statut. & consuet. cont. libert. Eccles. §. Item nulla, coll. 10.*

V. *Dignum viridi obseruantia Vladislai Pij Ducis Polonie de Anno 1228. (nec non maiore pretio apud*

milites) privilegium. Cupientes gravamina Ecclesiasticarum personarum hactenus inoluta relaxare: Ecclesie Dei, liberaliter & libenter confero Canonicam libertatem: liberans eam, ab omnibus gravaminibus, & exactionibus, &c.

VI. Faciunt in anime sue perniciem, qui ab Ecclesiis vel Ecclesiasticis personis, pro rebus quas non negotiandi causa deferunt, vel transmitti faciunt, pedagia aut guidagia, suo vel alterius nomine, exigunt.

VII. Milites & persone publicae Seculares, non possunt sibi vendicare ius hospitij in domibus Clericorum. nec valet in contrarium consuetudo.

CONCLUSIO III.

Ecclesijs, & Clericis, non licet de patrimonio Christi, sponte etiam contribuere, propter insolitum casum, quando saecularium facultates sufficiunt, ad releuandas communes necessitates: alioquin incurreretur excommunicatio.

COROLLARIA.

I. Prelati, & Rectores Ecclesie, non habent rerum Ecclesiasticarum dominium, sed duntaxat gubernium, & administrationem.

II. Consensus Rectoris Ecclesie super fundo, aut decimis,

cimis, in preiudiciū successoris, debitū non sortitur effectū.

III. Beneficiatus, potest licitè rem Ecclesiasticam, quam malè alienauit vindicare, non obstante iuramento de non rescindendo contractu.

IV. Quidquid ex peculio Ecclesiæ emptum est, ad Ecclesiam redire debet, etiamsi id fuerit non intuitu Ecclesiæ emptum.

V. Pena pecuniaria Ecclesiasticorum, in pios usus, non verò prophanos conuerti debet.

VI. Immunitas non datur ad tempus, sicut nec matrimonium, aut hereditas, vel libertas.

VII. Lex canonisari digna: Ea quæ ad Ecclesiā peruenierunt, conuenit inuiolabiliter custodiri, ut sicut ipsa religionis & fidei mater ac magistra est perpetua, ita patrimonium eius seruetur ingiter illæsum. L. Iubemus C. de Sacr. Eccles.

CONCLUSIO IV.

Ecclesiæ, & Ecclesiasticæ personæ, non obstāte immunitate Ecclesiastica, possunt propter casū insolitū, si vident sæculariū non sufficere facultates, contribuere charitatum subsidium; modò collectam ipsi spontè deliberent, & non ad coactionem sæculariū; consulto tamen Papa, & habita ab eo expressa licentia, nisi fortè periculum esset in mora.

C O R O L L A R I A.

I. *Necessitate suadente omnia priuilegia franguntur, cum salus Reipub. non habeat legem.*

II. *Sub tempus guerre aut obsidionis, quando impedit periculū æque Spiritualibus & Secularibus, non excusantur Ecclesiastici à custodia murorū, cū Ciuibus mixtim, quo ita cūctis vigilantibus melius valeat ciuitas custodiri.*

III. *Necessitas dum extrema urget, & est periculū aut scandalum non leue in mora, potest actus sine solennitate de iure requisita explicari.*

IV. *In dubiis & arduis, omnes Clerici, precipue oppressi, ad Romanam Ecclesiam, tanquam ad magistram, & matrem recurrere debent, ut ab ea instruantur, nutriantur, releuentur.*

V. *Solus Papa, totum per Orbem, in beneficiis & rebus Ecclesiasticis habet plenitudinem potestatis; Cardinales, Legati, Patriarchæ, Metropolitani, Episcopi, in partem nonnisi sollicitudinis vocati sunt.*

VI. *Metropolitanus, monere non verò cogere potest Suffraganeos suæ Prouinciæ ad contribuendum. Sed & Episcopus in tangentibus totum Clerum, opus est habeat totius Cleri, non solius Capituli, assensum.*

VII. *Statuta Conciliorum, pro exigentia temporū, velin toto velin parte mutare, aut relaxare, Supremi in Ecclesia Principis potestas est.*

CON-

CONCLUSIO V.

P Rincipes Sæculares, non possunt, propter casum insolitum, quantumvis suæ, & suorum subditorum, non sufficiant facultates, Ecclesias, & Ecclesiasticos, non habita expressa licentia Papæ, compellere ad contribuendum.

COROLLARIA.

I. *Constitutiones Sæcularium damnosæ Ecclesiis, aut Clero; non merentur dici constitutiones, sed iustitiæ destructiones: ni expressim per Ecclesiam approbentur.*

II. *Imperatorum & Regum Statuta, posthabenda sunt Constitutionibus Ecclesiasticis, in causis animam & Ecclesiam concernentibus.*

III. *In iure immunitatis Ciuilis, allegare potest. L. Nihil tam naturale ff. de reg. iur. non in immunitate Ecclesiastica, Status Politicus.*

IV. *Deputata certo vsui publico, largitione fidelium, non debent in alios vsus conuerii, excepta Papæ authoritate.*

V. *Alienatio bonorum Ecclesiæ immobilium, quin & mobilium magni valoris, sine solennitatibus, ac in casu, à iure non permisso, est de Papæ reseruatis. Idem Iuris in exactionibus à Clero,*

VI. *Bona Ecclesiæ, num obnoxia sint tributis? si antequam peruenerunt ad Ecclesiam, fisco fuerant attributa, certoq; onere & inuariabili authoritate publicâ; ve' pacto priuatorum, onerata; & nec amortisationem à Principe habent; nec emancipationem; nec sunt Ecclesiæ mansus; non est in casu insolito problema. at secus in oneribus per solidum & libram superinductis.*

VII. *Non debent caperare frontem Laici, dum relegunt illud in Tholoſſano. Scio certò, maiorem tributorum & exactionum partem, in Ecclesiam, & Ecclesiasticos factam, non tam necessitate, quàm inuidiâ populi; qui cum inter Diuinum & humanum non nouit, aut non vult constituere differentiam; modulo suo Dei opes & ei inferuientes vult metiri. Tholos. lib. 3. de Rep. c. 8. n. 24.*

CONCLUSIO VI.

IMponentes collectas Ecclesijs, aut Clericis, non habita licentia Summi Pontificis expressa, regularitèr sunt violatores Ecclesiasticæ immunitatis, & incidunt in Bullam Cænæ Domini.

COROLLARIA.

I. *Nil refert ad incursum Bullæ Cænæ Domini, directè an per obliquum? suo, aut alieno nomine? talias, collectas, decimas, & alia onera, Ecclesiasticis, Monasteri-*

steriisq; & aliis piis locis, imposuerit quisquā aut exegerit.

II. *Inuolare in Iurisdictionem Spiritualem, & hanc violare, parificantur: quantum ad incursum excommunicationis, nec ulla habetur dignitatis ratio.*

III. *Consules, Scabini, & quicunque Presides Ciuitatum, aut Castrorum, collectantes Ecclesias, Monasteria, & alia loca religiosa, non seruato tenore cap. Aduersus, ext. de imm. Eccl. finito etiam officio remanent excommunicati.*

IV. *Delinquens pretextu officii, tenetur satisfacere etiam finito officio, si ad eum, vel ad alium peruenit commoditas, cum nequit eum inducere ad satisfaciendū.*

V. *Tacens, censetur consentire, quando vocatus ad consilium nil dicit, debetque insimul puniri, cum consulentibus malum.*

VI. *Non tantum qui suprema potestati Spirituali, at etiam qui inferioribus tam ordinariis quā delegatis resistunt, Ecclesiasticam infringunt immunitatem.*

VII. *Altior est ordo Sacerdotalis quā culmen quantumcunque sublimis Politicæ potestatis, qui hanc suā sede detrudat, Deum habet ultorem.*





Sub felicissimis auspicijs,
Clarissimi, & Excellentissimi Viri, Domini
D. M. FRANCISCI
R O L I N S K I,
Philosophiæ & Medicinæ Doctoris,
Consulis Cracouiensis meritissimi,
ac Almæ Vniuersitatis in eadē Vrbe
Studij Generalis
R E C T O R I S
Vigilantissimi.

I

S,

22

Biblioteka Jagiellońska



stdr0023704

